

L A G O S E R I S.

SYNGENESIA *aequalis.*

CHAR. ESSENT. *Receptaculum* paleaceum: paleis capillaribus. *Calyx* calyculatus. *Pappus* pilosus, fessilis.

L A G O S E R I S *crepoides.*

LAGOSERIS foliis runcinato-bipinnatifidis, radicalibus; scapo ramoso.

Crepis (*purpurea*) foliis runcinato-pinnatifidis: lobis oblongis, acutis, dentatis, divaricatis; scapo nudo, multifloro, laevi. *Marsch. Flor. taur. cauc* 2. p. 255. n. 1616.

Hieracium (*purpureum*) scapo unifloro, nudo; foliis pinnatifidis, subtus villosis: laciniis lineari-lanceolatis, acutis, dentatis. *Linn. Spec. plant. ed. Willd.* 3. p. 1560.

Habitat in Tauriae saxosis cretaceis, imprimis circa Karasubafar. Floret Junio, Julio. 2

RADIX transversalis, crassitie pennae cygneae, nigricans: superficie inaequali, fibris lateralibus copiosis firmata, multiceps et multicaulis, perennis.

FOLIA omnia radicalia, per orbem expansa, petiolata, pube exili albidâ praesertim ad petiolum costamque mediam vestita, runcinato-bipinnatifida: lobis laciniisque inaequalibus, oblongis, acutis, divaricatis; *petiolo* marginato subdentato.

SCAPI e foliorum radicalium meditullio plerumque nonnulli (rarius unicus), dodrantes pedalesque, graciles, erecti, teretiuseculi, leviter praesertim basin versus pubescentes, apice ramosi: ramis alternis, subramosis, ad exortum squamâ, sive folio minuto, subulato, integerrimo fultis.

FLORES in ramis ramulisque terminales, solitarii, subcorymbose, magnitudine et formâ florum *Crepidis* tectorum.

CALYX polyphyllus, calyculatus: *squamis* lanceolato-subulatis, viridibus, tomento tenui incanis: exterioribus inaequalibus, brevibus, laxis; interioribus aequalibus, duplo triploque longioribus, conniventibus.

COROLLULAE copiosae, ligulae, apice truncatae denticulatae, pallide purpureo-caeruleae.

STAMINA pallida: *antherarum* columellâ flavicante.

PISTILLUM pallidum: *stylo* antheras vix excedente; *stigmatibus* minutis, revolutis, caerulefcentibus.

SEMINA oblonga, sulcata, nigro-fusca: *pappo* fessili, copioso, piloso, molli, niveo.

RECEPTACULUM paleaceum: *paleis* angustissimis, capillaribus, femiibus demto pappo longioribus.

OBSERV. Planta sui generis, habitu *Crepididis*, sed ob receptaculi paleas, *Seriolae* et *Hypochoeridi*, ad leges Systematis, proxime subnectenda. Differt a *Seriolâ* calyce calyculato et toto habitu; ab *Hypochoeride*, cui habitu fimilior, structurâ pappi.

EXPLICATIO TABULAE.

a. *Flosculus lente auctus.*

b. *Semen cum adstante paleâ auctum.*

✓

